

**UJEDINJENE
NACIJE**



Međunarodni sud za krivično gonjenje
osoba odgovornih za teška kršenja
međunarodnog humanitarnog prava
počinjena na teritoriji bivše
Jugoslavije od 1991. godine

Predmet br. IT-08-91-PT
Datum: 26. maj 2009.
Original: engleski

PRED PRETRESNIM VIJEĆEM III

Rješava: sudija Frederik Harhoff, pretpretresni sudija
Sekretar: g. John Hocking
Nalog od: 26. maja 2009.

TUŽILAC

protiv

**MIĆE STANIŠIĆA
i
STOJANA ŽUPLJANINA**

JAVNO

**NALOG O RASPOREDU ZA STATUSNU KONFERENCIJU I
NALOG KOJIM SE OPTUŽENI POZIVA DA SE VRATI SA PRIVREMENOG
BORAVKA NA SLOBODI**

Tužilaštvo:

g. Thomas Hannis
gđa Joanna Korner

Vlada Republike Srbije

Branioци optuženih:

g. Slobodan Zečević i g. Slobodan
Cvijetić za Miću Stanišića

Vlada Kraljevine Nizozemske

g. Tomislav Višnjčić i g. Igor Pantelić
za Stojana Župljanina

Ja, Frederik Harhoff, sudija Međunarodnog suda za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine (dalje u tekstu: Međunarodni sud) i pretpretresni sudija u ovom predmetu;¹

IMAJUĆI U VIDU da je Nalogom o rasporedu za podnošenje pretpretresnih podnesaka i drugog materijala na osnovu pravila 65ter od 8. maja 2009., tužilaštvu naloženo da svoj pretpretresni podnesak, zajedno sa spiskovima svjedoka i dokaznih predmeta u skladu sa pravilom 65ter (E) Pravidnika o postupku i dokazima (dalje u tekstu: Pravilnik), dostavi do 8. juna 2009., dok je timovima odbrane i Miće Stanišića i Stojana Župljanina naloženo da svoje pretpretresne podneske na osnovu pravila 65ter(F) dostave do 29. juna 2009.;

IMAJUĆI U VIDU da se pretpretresna faza u ovom predmetu bliži kraju i da su strane u postupku obavezne da se pripreme za pretpretresnu konferenciju na osnovu pravila 73bis Pravidnika o postupku i dokazima (dalje u tekstu: Pravilnik), koja će biti zakazana prije ljetne pauze u radu Suda kako bi se omogućilo da suđenje počne ubrzo nakon te pauze;

IMAJUĆI U VIDU da Vijeće konstatuje da bi, za potrebe valjane pripreme suđenja, bilo u interesu svih strana u postupku, kao i samog Vijeća, da se ostavi dovoljno vremena između pretpretresne konferencije i predviđenog početka suđenja;

IMAJUĆI U VIDU da se pravilom 65ter pretresno vijeće ili sudiju pretresnog vijeća ovlašćuju da organizuju statusne konferencije kako bi se omogućila razmjena mišljenja strana u postupku i pružila mogućnost optuženima da pokrenu pitanja u vezi s tim;

UZIMAJUĆI U OBZIR da se optuženi Mićo Stanišić predao Međunarodnom sudu 11. marta 2005., i da se on od tada, izuzimajući jedan jedini nalog od 11. aprila 2008. kojim je pozvan da se vrati, na osnovu pravila 65 Pravidnika, nalazi na privremenom boravku na slobodi u Beogradu, Republika Srbija;²

¹ Nalog kojim se predmet dodjeljuje drugom pretresnom vijeću i imenuju sudije *ad litem* za potrebe pretpretresnog postupka, 24. mart 2009.

² *Tužilac protiv Miće Stanišića*, predmet br. IT-04-79-PT, Odluka po podnesku sekretara u vezi s pravnim zastupanjem Miće Stanišića s inkorporiranim nalogom o rasporedu i nalogom kojim se optuženi poziva da se vrati sa privremenog boravka na slobodi, 11. april 2008., i Nalog kojim se ponovo odobrava privremeno puštanje na slobodu, 10. juli 2008.

UZIMAJUĆI U OBZIR da je Pretresno vijeće mišljenja da bi se u ovoj fazi pretpretresnih priprema konsenzus na najbolji način mogao postići prisustvom svih zainteresovanih strana istovremeno, uključujući obojicu optuženih lično;

POŠTO sam se po pitanju statusne konferencije konsultovao sa stranama u postupku;

NA OSNOVU člana 29 Statuta Međunarodnog krivičnog suda za bivšu Jugoslaviju i pravila 54, 65 i 65*bis* Pravilnika;

OVIM NALAŽEM sljedeće:

- (A) statusna konferencija biće održana u utorak, 9. juna 2009. u 14:15 sati u sudnici koju odredi Sekretarijat;
- (B) druga statusna konferencija, na kojoj će biti razmotren napredak koji su strane u postupku postigle u skladu sa smjernicama datim na gorenavedenoj prvoj statusnoj konferenciji biće održana u petak, 12. juna 2009., u vrijeme i u sudnici koje odredi Sekretarijat;
- (C) optuženi Mićo Stanišić vratiće se u Pritvorsku jedinicu Ujedinjenih nacija do ponedjeljka, 8. juna 2009., i stoga suspendujem njegovo privremeno puštanje na slobodu kako bi prisustvovao navedenim statusnim konferencijama;

I TRAŽIM sljedeće:

- (D) Vlada Republike Srbije obezbijediće da optuženi bude pod stražom prebačen iz Beograda, Republika Srbija, na aerodrom Schiphol ili neki drugi aerodrom u Nizozemskoj i predat pod nadzor ovlaštenih službenika Vlade Kraljevine Nizozemske;
- (E) Vlada Kraljevine Nizozemske obezbijediće da optuženi bude pod stražom prebačen sa aerodroma Schiphol ili nekog drugog aerodroma u Nizozemskoj do Pritvorske jedinice Ujedinjenih nacija;

I DALJE NALAŽEM

- (F) Sekretarijatu da izvrši sve potrebne pripreme, uključujući i to da kontaktira Vladu Kraljevine Nizozemske i Republike Srbije, kako bi se optuženom Mići Stanišiću

Prijevod

4

omogućilo da se do navedenog datuma vrati sa privremenog boravka u Beogradu, Republika Srbija kako bi prisustvovao pomenutim statusnim konferencijama, kako je zakazano ovim Nalogom;

(G) suspenzija privremenog puštanja na slobodu ostaje važeća i na snazi do daljnjeg naloga Pretresnog vijeća o njenoj izmjeni.

Sastavljeno na engleskom i francuskom jeziku, pri čemu je engleska verzija mjerodavna.

/potpis na originalu/
Frederik Harhoff,
pretpretresni sudija

Dana 26. maja 2009.
U Haagu,
Nizozemska

[pečat Međunarodnog suda]